

ENNAAN AN RITÖL AN ERIA

Jeļā kōn, meļeļe, im kōjparok kien ko an Anij

Elder Daniel G. Hamilton

Eria Jiljilimjuonñoul

Ej juon men ñan *jeļā* kōn kien ko. Ej barāinwōt juon men ñan *meļeļe kien ko*. Kiiō ej barāinwōt juon men, ñan *mōñōñō in kōjparok kien ko*.

Āinwōt juon rioktak ekāāl ñan Kabuñ in, joñoul jilu an iio, ikar jino *jeļā kōn kien ko*. Ijoke, ikar jab meļeļe unin jet iaan kien ko an Irooj, barāinwōt kar jab ļomņak imaroñ loe kōjeraamņan ko kōn aō kōjparoki. Ñan waanjoñak, tiljek in ñan kōjparok Naan in Māletlet iumwin juon tōre, kajoor eo aō im kajoor ilo ānbwin ilo ikkure ekar jab emņan, im ilo jet wāween, eļapļok an nana, jān bwe ro uwaan tiim in ikkure eo aō im rekar jab pokake aolepān mōttan ko an Naan in Māletlet. Rej einwōt ro im remaroñ in, ettōr im jab mōk¹, jab ña, ijoke, ikar wōnņaanļok ilo tōmak im pokake.

Barāinwōt, ekar āinwōt ñan ña bwe kien ko rekar kapooļ eō im kōmņan joñan joñak ko aō. Kiiō, ijoke, 48 iio ko tokālik, ikar loe bwe kien ko rej āinwōt kanemkwoj, jab dāpij juon ilo juon joñak. Ta eo ekar oktak? Emool bwe ekar jab kien ko. Aō meļeļe im mwił eo mwiłō rekar oktak.

Kiiō ij kalimjōk kien ko āinwōt aō kalimjōke “flag ko rej kwaļok

kōkkaļle ko” jet kōkkaļle ko ilo beach eo; kōn kamņoolol. Ñan anemkwoj im mōñōñō ilo am aō ilo beach eo, ilo juon jikin emōj kar kwaļoke ke emņan ñan aō, ikar pepe bwe in ļoor flag ko rej kwaļok kōkkaļle ko. Aaet, imaroñ kālet bwe in aō bar juon jikin, ak ilo kōmņan āindein ij aikuj in errā kōn jekjek ko kōn kālet in.

Kiiō ij kālet ñan kōjparok kien ko kōnke ij loe eļap aenōmņan im jokne ilo kōmņan āindein, im dōblōke aolepān tōre kein, ikar loe kōjeraamņan ko ilo aō pokaki.

Elder Dale G. Renlund jān Doulul eo an Joñoulruo Rijilōk ro ej kōnono kōn kien ko kar jei, “karōk eo an Anij ekitbuuj iaļ ko ñan kōj, kōnono kōn



Elder Daniel G. Hamilton



Mool in rikaļooran ej itok ñan meļeļe kien ko innām mōñōñō kōjparoki, kōnke jekar kiiō jeļā bwe er rej juon kōjeraamņan jān Jemād ilo Lañ eo eļap an iakwe.

jeje ko rekwojarjar ainwōt kien ko. Kien kein rej barāinwōt juon men eo ejeja barāinwōt juon eo im kōṅaan ko rej kōmṅan kakien ko rej ṅan wōt kamineneik kōj ṅan maroñ pokake. Rej ippān doon ṅan ejaake eddōkḷok eo ad kōn mṅwil ko rekwojarjar, jep-
laakḷok ṅan Jemedwōj Ilañ, im bōk lañlōñ eo ejjeḷok jemḷokin. Anij ekō-
ṅaan bwe jen pād ilo iaḷ in bujen eo, Ej letok ṅan kōj maroñ eo ṅan kālet.²

Ainwōt Nipai, ṅan jeraamṅan eo aō, ijelā “Ij aikuḷ pokake”.³

Lañlōñ, lemōṅōṅō, ju būru, juon eñjake in kōjparok im jibadbad ekwo-
jarjar, itok, ilo iien, ṅan ro rej meḷeḷe im kōjparok kien ko. Ilo mool, eñin ej ṅe jej tōmak im kōjparok kien ko, me jej itok ṅan meḷeḷe kaki. John quotes the Lord as saying, “Eḷaṅṅe jabdewōt armej e kōṅaan kōmṅanṅan ankilaan, e naaj jelā kōn naan in katak eo, eḷaṅṅe e jān Anij, ak Ij kōnono kōn ṅa wōt.”⁴

Edgar A. Rilotoḷ eo ekar je naan kein lo aorōk in kōmṅane, ainwōt an oktak jān baj kōnono.

*Emṅanḷok ṅe ij loe juon rikwaḷok
jān aō roñjake juon ilo jabdewōt
raan;
emṅanḷok ṅe juon ej etetal ippa jān
kwaḷok iaḷ eo.
Māj eo ej juon mōttan eo emṅan,
emōṅōṅōḷok jān lojilñi eo;
Kapilōk eo eo emṅan epok, ak
waanjoñak eo ej aolep iien alik-
kar kalimjōke,*

*Im men eo emṅantata kōn aolepān
rikwaḷok rein rej emṅaan ro rej
mour kōn tōmak ko aer,
ṅan loe juon men emṅan ej
waḷok jān jermal ej ta eo aolep
rej aikuḷi.*

*Imaroñ kiiō wōt ekkatak ewi wāween
kōmṅane eḷaṅṅe kwonaaj kōtḷok
aō lale wāween kōmṅane;
imaroñ alooje mākūtūt in peim,
ak mōkaj in amḷ ekōnono.*

*Im kōmeḷeḷe ko kwoj kwaḷoke ema-
roñ māletlet im mool,*

*Ak emṅanḷok ṅe ij bōk ekkatak eo
jān aō alooje amḷ kōmṅane.*

*Bwe imaroñ jab meḷeḷe kwe im
naan in kapilōk eo ekajoor
kwoj letok,*

*Ak ejjeḷok jameḷeḷe ilo amḷ mākūtūt
im wāween amḷ mour.⁵*

Rikaḷooran ejjab kōn baj jelā kōn kien ko ilo wāween academic im jab mour kake. Rikaḷooran ejjab kōn jab lukkuun kōjparok kien ko. Mool in rikaḷooran ej itok ṅan meḷeḷe kien ko innām mōṅōṅō kōjparoki, kōnke jekar kiiō jelā bwe er rej juon kōje-
raamṅan jān Jemād ilo Lañ eo eḷap an iakwe. ■

NOTES

1. Katak im Bujen ko 89:20.
2. Dale G. Renlund, “Komṅwin Kāālōt Rainin,” *Liaona*, Noveba 2018, 104; Oktoba 2018 Kweilok eo Eḷap.
3. 2 Nipai 33:15.
4. Jon 7:17.
5. Edgar A. Guest, *Sermons We See*, “Emṅanḷok ke ij loe juon jān aō roñjake juon aolep raan,” ruo rijeje boomḷ wōt.

BWEBWENATO KO AN IJO JOKWE IE

Loe ilo juon Mijen, Bar ioon doon ilo juon Mijen

Büreejtōn John Larkin jān Marshall Islands/Kiribati Mission

Ilo 1982 ilo bukwōn ko iturear rettoḷok jān jikin kweilok ko reḷḷap ilo Melbourne, Australia, Elder Laddie Stewart im Micheal Bouy rekar kōḷḷaḷaḷ ilo kōjemḷ eo aō. Ruo iaan ro mōtta—Steve Byrne and Chris Murphy—rekar kobaḷok ilo Kabuñ eo an Jisōs Kraist im Armej

ro Rekwojarjar ilo Raan-ko Āliktata ke ikar jidik wōt jelā kake.

Iumwin 10 iō ko rej eḷḷā mōktaḷok ikar itok limo iō ilo kabuñ ḷomṅak im kar ‘kappukot’ mool. Ke rein mōtta Steve im Chris rekar kobatok ilo Kabuñ in, ikar kajjieoñ kareel er bwe ebōd men eo rekar kōmṅane.

SUPPLIED



Jān Tuanmiin nān Tuanmoon: President Larkin, Sister Larkin, Sister Bednar, im Elder Bednar.

Iumwin allōn ko tokālkin jān tōre eo elder ro rekar itok nān m̄weo imō, Elder Stewart im Bouy rekar katakin eō jep̄laaktok eo an gospel eo an Jisōs Kraist. Ilo M̄aj 26th, 1983, ikar peptaj im kapen juon membōr uwaan Kabuñ eo an Jisōs Kraist im Armej ro Rekwojarjar ilo Raan-ko Āliktata jān ro m̄ōtta, Steve im Chris, ilo m̄ōnjar eo an Croydon ilo Melbourne.

Jān iien peptaj eo aō ekar wōr aō iien em̄man nān jermal ilo elōn kūr ko

āinwōt Bisop eo an Lilydale Ward—im Stake Būreejtōn eo an Canberra Australia Stake.

Ilo 2016, 33 iio tokālkin jān tōre eo mijenede ro rekar itok nān mour eo aō, ikar kūr nān jermal āinwōt juon mijen būreejtōn nān Marshall Islands/Kiribati Mission. Ekar juon jeraam̄man nān maroñ bōk kūr nān juon jikin eaiboojoj im wōnmaanl̄ok ilo jermal in l̄omq̄or eo nān nā, eo ekar ijino ilo iien peptaj eo aō eļap̄l̄ok jān jiln̄uul iio m̄oktaļok.

Lañlōn ilo kajedeed gospel eo ekar kōjeraam̄man mour eo aō iumwin elōn iio im kar aadet em̄manl̄ok ilo 2017, ikar kwaļok nān Laddie im kōrā eo pāleen, Lorrie, bwe ren l̄ōm̄nak in jerbale juon mijen ilo Moroni High School—juon jermal eo ilowaan mijen eo me renaaj jipañ ilo katakin rūkaki ro an jikuul in.

Jim̄or Laddie im Lorrie ewōr jermal in iminene ilo jeļāļokjeñ, eo ekar kōm̄man bwe ren jeppet nān jermal in ilo Moroni. Ikar kōm̄man karōk nān

Stewart rein bwe ren kōnono ippān couple mijenede ro jet rerūtto rej jermal ilo jikuuļ in im mōkta Stewart rein rekar errā in kanne peba nān jermal eo.

Ilo jemļōkin Qkwōj 2018, kūr eo aer āliktata ekar itok. Stewart rein

kiiō rej lukkuun ijittōn nān jerbale mijen eo aer ilo Moroni High School, Tarawa, ijjin ilo Jānwōde 2019.

Elder Laddie Stewart ekar katakin eō ke ekar juon mijenede 19 an iiō.

Kiiō, 35 iiō tokālik, rūkatak eo an

enaaj jermal āinwōt mijen būreejtōn eo an ilo an Laddie bar jermal, iien in ej kiiō ippān kōrā eo pāleen.

Kōjeraamman in jān Irooj ekar lukkuun uñūr būruwō. Ij mōñōñō bwe ewōr aō iien emman nān bar ioon doon ippān ‘mijenede eo aō’, eļaptata ilo am jermal ippān doon ilo ejja jermal in ekwojarjar me ekar bōk-tok koņ ippān doon jinoin tata. ■

Aorōk eo Eļap kōn Jeļāļōkjen; Menin Letok ko ilo Jetōb im Kālet juon Jermal


Judy Soloai

Iaar lo jibadbad eo an mour eo aō ke kar jermal nān Irooj ilo juon mijen.

Iaar jab bōk kūreet ko remman ilo aiikuuļ. Rūttoļōk ippān ro jinōm im jema kar iien otemej kōmejajaik kajoor eo an jeļāļōkjen eaar nān ukōt mour ko ad nān emmanļōk bōtaab, iaar jab bōk kanooj ļōmņake.

Ij itok jān juon baamļe ekilep kōn ļalem ajri ro; ruo ļaddik im jilu leddik. Kar katakin kōm aolep nān kōmman bwe jeļāļōkjen en juon kōttōbar eao-rōk. Iaar etal nān jet jikuuļ ko roktak

SUPPLIED



Laddie im Lorrie Stewart kiiō rej jermal ilo Moroni High School, Tarawa

ilo Hamiltok im Auckland bōtaab kar jab maroñ lo aorōk eo.

Iaar etal ñan juon mijen kōn juon karōk ñan jikuul ñe irōol ñan m̄weo. Iaar kōñaan ļoor kōonjeļ eo an rika-naan ro, bōtaab eaar ejjeļok aō karōk āinwōt ta eo ij aikuj ekkatak im kar ejjeļok juon kōñaan emool ñan jabde-wōt jermal.

Mijen eo aō eaar ukōt mour eo aō. Ejjeļok juon raan me eaar ellāļok me iaar jab ļōmñak kōn mijen eo aō im an jelet mour eo aō. Eaar jab m̄ae iien iaar eñjake juon lañlōñ ekabwi-lōñlōñ kōn joļok aolep raan jermal ñan elōñ wōt im lōñ ajri ro nejin Anij me iaar kile ewi joñan aō kar aikuj, im iaar lo menin letok ko ilo jetōb iaar jab m̄oktaļok kili ilo ña make. Armej raar jiroñ er ewōr ippa menin letok eo an koba ippān armej. Itok limo eo aō ekōm̄man bwe en pidodo aō koba ippān armej. Iaar kajieoñ kaorōk menin letok kein ilo jetōb im kōjermal ñan kwaļok gospel eo an Jisōs Kraist.

Ilo mijen eo aō iaar lo elōñ jekjek in mour ko rekabūrom̄ojm̄oj, ekoba baam̄le ko raar rup, an kajjojo eñtaan kōn inepata im ro jet kōn lokjak ko an añūrlep ko an uno ekkajoor. Āin-wōt juon mijenede iaar maroñ kōonjeļ ippāer kōjermal jeje ko rekwojarjar, im iaar lo an gospel eo kōjeraam̄man mour ko aer ilo aer kar kajieoñ ijo em̄man tata ippāer ñan kōjermal ta eo raar katak. Meñe iaar iakwe kwaļok



gospel eo ippāer iaar kanooj kōñaan kōm̄man eļapļok.

An lōñļok armej ro iaar jermal ñan er eaar ļapļok aō lo er āinwōt an

Jemedwōj Ilañ lo er. Ālkitata iaar bōk iakwe im meanwōd eo ejjab kalijōk-ļok. Iaar kile bwe ta eo eaar kōm̄man bwe in m̄oñōñō eaar jermal in jipañ,

eaar armej ro. Menin eaar ta eo iaar kōṅaan ṅan kōmṃan kōn mour eo aō.

Ewōr juon jokkun wōt juon eka-juor ikōtaan erom juon mijenede im erom juon social worker. Jibadbad eo aerro jimor ej ṅan ukōt mour ko ṅan emṃanlōk. Āinwōt juon uwaan Kabuñ eo an Jisōs Kraist im Armej ro Rekwojarjar ilo Raan-ko Āliktata, ij jeraamṃan kōn juon jeḷāḷōkjen an Pinmuur eo an Jisōs Kraist. Ij ṃool in tōmak bwe armej remaroñ oktak, im ṅan kōmṃan bōk juon jermal jān jipañ armej ṅan oktak ej juon jeraamṃan ṅan ṅa.

Kiiō ij iakwe ekkatak ko aō. Ilo tōre in ij kōmṃane Bachelor of Social Work eo aō ilo BYU. Ij iakwe ta eo ij katak im buuḷ jermal joñan wōt aō maroñ. Elōñ wōt iaan ro jeiū im jatū emōj aer etal ṅan jikin jikuuḷ ko reutieḷok im emōj am lo kōjeraamṃan kein me ro jinem im jemām raar katakin kōm enaaj kar itok ilo am ḷoor koṅnjeḷ eo aer.

Ilo aō ekkatak ṅan degree eo aō, katak ko an gospel eo rej pād wōt ippa, kaṃwilaḷok meḷeḷeḷ eo aō kōn laḷ in im kōkōmṃanlōk maroñ ko aō ṅan erom juon social worker.

Ke iaar dik, iaar jab lo meḷeḷe eo an bōk juon jibadbad ak juon kōttōbar ilo mour. Eaar wōr juon aō jibadbad jān Irooj im iaar loe ke iaar pād ilo mijen eo aō. Iaar jab etal ṅan mijen ṅan lo eō make. Iaar ilōk ṅan kwaḷok gospel eo ippān lōñ in armej eo imaroñ kar

tōpar er, bōtaab ilo joḷok eō make ilo jermal eo an Irooj iaar lo ṅa make im jibadbad eo aō. ■

Juon lakwe an Katak—Juon lakwe an Katak in

Jān Tessa Dewsbury

Kōn kar sign up ṅan juon ien emṃan an online jikuuḷ ippān BYU-Hawaii, 24-iiō-dettan **Rumetati Taarie**

ej kiiō jermal ṃaanlōk ṅan an kadedeḷok kooj eo kōn Bok in Mormon.

Liin eaar kadedeḷok mijen eo an ilo Australia Sydney North Mission ilo 2014 eo. Ke kōm kar intōrpiuki mejān “eaar ettōndikdik” ke eaar keememej eaar lo an kar pen ṅan meḷeḷe ta eo armej ro raar ba—ejjab idajoñjoñ eo de eo kōn aer kōnono bōtaab kōjermal kōkajkaj eaar kanooj jab meḷeḷe kake—aaet, liin eaar iakwe katak kōn ṃanit ko roktak im liin ej būromōj wōt kōn iaio ko remṃan eaar lemō-ṅōṅō kaki ijo.

Rumetati eaar lōñ an eñjake ko kōn apañ ko eḷḷapḷok aer eppen



An iakwe ṅan ajri ro eaar jipañ Rumetati kōmṃane juon jokālet ṅan ilōk ilo juon būrookraamṃ kōn jilu-iiō an ekkatak an elementary school.

mokta jän mijen eo an. Po ɭaddik eo an eaar mej ke raar ajri wõt im jinem im jemen raar jepel. Liin eaar ilok ñan New Zealand ippän jemen ke eaar ralitök iiō dettan ñan juon iien kakkije im kar keememe raan in ɭotak eo an ilo laɭ en. Ejjab to äлкиn raar ion mijenede ro ro raar peptaj e ñan Kabuñ in. Ejerata, eo jemen eaar jako ilo 2003 eo im liin kar lale jän körä eo naaj jinen.

Rumetati eaar jako aolep wäween an kar tōpar jinen im kar jab keeme-mej e ñan jidik, mae juon raan äлкиn an kar bar jepɭaak ñan Kiribati äлкиn mijen eo an, ke eaar päd ilo juon mōn wia, jet ruwia raar roñ an jinen kajjitök eɭañne eaar wör jabdewõt eaar jeɭä kajien Rumetati—älikтата, juon iien bar ion doon!

Ilo juon iien Rumetati eaar jermal äinwõt juon rijerbal in radio mokta jän an kar jipañ ilo JSSTUC1 junior secondary jikuuɭ eo ilo Kiribati; juon jermal liin eaar mōñōñō kake.

An iakwe ajri ro eaar jipañ Rumetati kōmɱane juon jokälet ñan ilok ilo juon bürookraam in ekkatak an jilu-iiō elementary education. Liin eaar ba: “Ij iakwe katakin ilo elementary school im juon raan, ilo ilju im jekɭaj, ikōñaan katak ajri ro nejü make.”

Laptop eo an Rumetati make eaar jorrään jemaanɭok—juon mōttan eo ejouj eaar leɭok bwe en kōjerbal kamputōr eo an we liin en marojñ

ekkkatak ilo Teapraerele Stake Center eo. Ilo juon joñak liin eaar ekkatak ikōtaan 4–6 awa ko kajjojo raan bwe en maroñ jilkinɭok peba ko an ilo iien eo ejejejt.

Liin ej iakwe riiti jeje ko rekwojarjar im kar kōmɱan aolep raan. “Ij eñjake iakwe eo an Jemedwōj Ilañ jabdewõt iien ij riiti jeje ko rekwojarjar

—im bwebweanto ko kōn tōmak rej lukkuun uñur būruwō.”

Meñe ej jeɭäɭokjeñ an laɭ in ak ilo jetōb, Rumetati ewōr juon an kam-moolol emwilaj kōn katak.

Liin ej kōjatdikdik kōn juon em-mañɭok, ilju jekɭaj emeramɭok ilo an katakin ro jet ta eo eaar wör an iien emɱan ñan katak. ■

Ñan Jipañ Jukjuk in Päd eo—Juon Ettōñak Aitok Kitien Erom Mool

Jän Tessa Dewsbury

“Ikōñaan erom juon taktō juon raan,” Lyalyn Otia Nebati 22-iiō dettan eaar ba ke iaar kajjitök ippän etke eaar bök juon kooj in chemistry ilo online: “Baräinwõt,” eaar wōn-maamɭok wõt, “Ro jinō im jema raar katakin eō eɭañne ikōñaan juon ilju jekɭaj eo emɱanɭok ij aikuj ekkatak!”

Lyalyn ej büromōj kōn jemen eo eaar mej ilo 2990 eo. Jinen, eo Lyalyn ej nōbare, ej juon māmā eo emɱan. Liin ej jermal ilo housing ko an kien im ej kake ñan Lyalyn im ajri ro jatin. Rein ruo rej kiiō uñare-peier make.

Lyalyn emool ej iakwe armej ro im liin ej kwaɭoke ippa juon bwebwenato ejjab etto liin eaar kōmɱan ippän juon taktō in ñii eo eaar kwaɭok ewōr juon jabwe in taktō in ñii ilo Āne ko ilo Pacific. Lyalyn eaar ba, “Ikōñaan

erom juon taktō—ak juon taktō in ñii —ñan jipañ jukjuk in päd eo aō eaar juon ettōñak aitok kitein ñan ña.”

Lyalyn eaar ɭotak ilo juon laɭ edik ña etan Nauru. Liin kiiō ej jokwe ppän jinen im ro jatin ilo Tarawa, Kiribati im ekkatak ilo online kōjerbal Teoraereke Stake Centre internet eo im ruum in—ekkkatak eo.

Liin ej kōjatdikdik ñan kadiwōjɭok jän University of the South Pacific im emool liin ej joɭok awa ko, ejjab baj ekaktak wõt chemistry, ak baräinwõt English.

Äinwõt juon kar rijikuuɭ in Moronai High School, liin eaar katak ñan lemōñōñō im pedped ion naajdik eo kajjojo raan me ekkatak gospel eo ej letok. Jeraamɱan, Lyalyn ej iakwe ñan katak, im ke liin eaar päd ilo

mijen eo an ilo Philippines liin eaar kadede kwaļok jeļāļokjen eo an an gospel eo.

Lyalyn ej barāinwōt rijikuuļ in Institute eo eniknik-liin ewōr wōt mōttan jet an credit nān būki mōkta jān an kadiwōļok.

“Ij iakwe Institute,” liin eaar ba, “Ej juon eņjake in kaktak eo ekanooj m̄wilallōk jān Jemenāri. Ej letok nān eō juon meļeļe eļapļok kōn katak ko an Kabuñ in.”

Bōtaab ejjab aolep in! Lyalyn eaar katak ekōjkan nān erom juon home-maker. Kajjojo jibboñ liin ej karreoiķ m̄weo im kōm̄mane jerbal ko an mōkta jān an em̄makūt nān kaļōj jeļā bwe jerbal ko an rej kōjeraam̄man aolepān baam̄le eo an. ■



“Nān jipañ jukjuk in pād eo aō eaar juon ettōņak aitok kitien nān eō.”

KAJJITŌK KŌN BWEBWENATO KO

Jākjen eo an peij eo ad ej kōm̄man jān membōr ro ilo eria in ad make ium̄win tōl eo an Eria Būreejtōņi eo me emaroñ in kwaļok aikuj ko im eņjake ko an membōr ro ijo jej jokwe ie. An pād bwebwenato ilo peij eo an eria in ilo kajjojo bok in liaona eo ej pedped wōt ilo an lōñ bwebwenato ko ie. Jej ruwainene nān jipañ kareel kōn tōmak im ļom̄nak ko im eņjake ko ad ilo ad jeļeļok nān rijeje eo ad:

liahona-pacific@ldschurch.org ■

